

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ
САМАРҚАНД ДАВЛАТ УНИВЕРСИТЕТИ
ТАРИХ ФАКУЛЬТЕТИ
ТАРИХШУНОСЛИК ВА МАНБАШУНОСЛИК
КАФЕДРАСИ

“ТАРИХШУНОСЛИК-МАНБАШУНОСЛИКНИНГ
ДОЛЗАРЪ МУАММОЛАРИ”

Республика илмий-амалий конференцияси
материаллари

史記



5. Фрейман А.А. Описание, публикации и исследования... Муг / А.А.Фрейман // Согдийские документы с горы Муг.- М.: Восточная литература, 1962.- Вып.1, -С.46-47.

ЎЗБЕКИСТОН МАТБУОТИ ТАРИХИНИНГ ТАРИХШУНОСЛИГИ: ЕЧИМ ВА МУАММОЛАР

*Рахмонов Камол Жамолович
Тарих фанлари номзоди
БухДУ Тарих кафедраси*

Тарихий тадқиқотлар тизимида матбуотнинг манбавий аҳамияти ва матбуот органлари шаклланиши билан боғлиқ масалалар ҳам ўзига хос ўрин тутди. Кўп пайтлар матбуот манбавий роль ўйнаши билан боғлиқ жиҳат илмий мунозараларга сабаб бўлиб келди. Бугунги кунда матбуотнинг манба бўла олиши назарий-методологик асослари ишлаб чиқилган. Матбуот, журналистика тарихига оид 1920 йиллардан буён кўплаб мақола ва асарлар яратилди.

Аввало, матбуот тарихини ўрганишда таниқли публицист Зиё Саид (Соли Қосимов) томонидан чоп этирилган асарлар муайян касб этади. Унинг "Ўзбек вақтли матбуоти тарихига материаллар" номли китоби [1]. Туркистон минтақасида салкам 60 йил (1870-1927 йиллар) давомида нашр этилган даврий матбуотнинг ўзига хос библиографияси ҳисобланади. Китобда муаллиф Туркистон матбуотчилигига асос солиниши, минтақада маҳаллий ва Европа тилларида чоп этилган ўнлаб журнал ва газеталар тарихи ҳақида тизимли асосда фикр-мулоҳазалар билдирган. Жумладан, "Бухоро ахбори" ва "Озод Бухоро" газеталари ҳақида Зиё Саидов китобида илк бор маълумотлар келтирилганлиги эътиборга лойиқ. Бироқ муаллифнинг ушбу газеталар нашри билан боғлиқ йил ва уларда муҳаррирлик қилган шахслар тўғрисидаги маълумотларида қатор ноаниқликлар учрайди. Шунга қарамай ушбу газеталарнинг фаолият юритганлиги билан боғлиқ далил ва рақамлар ўқувчида қизиқиш уйғотади.

Бевосита матбуот тарихига дахлдор бўлган тадқиқотлардан С. И. Иноятов, Т.Эрназаров ва А.Акбаровларнинг бу йўналишдаги ишларини кўрсатиш лозим[2] С.И.Иноятовнинг номзодлик диссертацияси даврий матбуотда кишлоқ хўжалигини жамоалаштириш масалаларининг ёритилиши муаммосига бағишланган. Мазкур муаллифнинг монографиясида эса матбуотнинг ижтимоий ҳаётдаги ўрни ва роли янада кенгрок очиб берилган. Бу тадқиқотларда тарихчи олим ҳар қандай тарихий даврни атрофлича ўрганишда матбуот материаллари манба бўла олишига эътибор қаратган. Бироқ олимнинг тадқиқоти коммунистик мафкура ва синфийлик назарияси асосида яратилган. Т.Эрназаров ва А.Акбаровларнинг фикрича, Бухорода амирлик тузуми ағдарилган биринчи кунларданок (1920 йил сентябр-К.Р.) Бухоро коммунистик партияси марказий комитети органи "Бухоро ахбори" газетаси чиқа бошлаган, газета ўзбек тилида 2500 нусхада, 2 саҳифада, айрим

холларда 4 саҳифада нашр қилинган [3]. Ушбу асарда ҳам коммунистик мафкура томонлари сезилиб туради, унда XX аср бошларида чоп этилган миллий тилдаги матбуот органларига ҳолисона баҳо берилмаган, аксинча, большевиклар матбуотининг роли эса бўрттириб кўрсатилган.

Мустақилликнинг дастлабки йилларида XX асрнинг 20-30-йиллари даврий матбуоти ҳақида тадқиқотлар ёзиш аънанаси давом эттирилди. Совет жамятида кечган ижтимоий-иқтисодий, сиёсий, диний-маданий ўзгаришларни матбуот материаллари орқали очиб беришга эътибор В.Мухаммаджонованинг номзодлик ишида айнан бағишланган [4]. Шунингдек, XX аср биринчи чорагида Туркистон минтақасидаги матбаачилик, миллий матбуотнинг ўрни ва роли, демократик ислохотларни амалга оширишда матбуотнинг аҳамияти масалалари ҳам бир қатор илмий асарларнинг мавзуси бўлди. Журналистика тарихи билан шуғулланувчи олимлар: Н.Абдуазизова[5] ва Б.Дўстқораев[6] қабиларнинг китоб ва дарсликлари ўзбек матбуотчилиги ва журналистикаси тарихини тадқиқ қилишдаги илк қадамлар бўлди. Тарихчи олим А.Мингноровнинг номзодлик диссертацияси ва рисоласида[7] миллий матбуот материаллари асосида Туркистонда 1917-1918 йиллар давомида фаолият юритган миллий ташкилотлар тарихи очиб берилган.

Тарихчи олима С.Шодмонованинг докторлик диссертацияси ва монографияси[8] ҳам матбуотнинг манбавий аҳамиятини кўрсатишга қаратилган. Тадқиқотчи 1870-1917 йил февралигача чоп этилган ўзбек ва рус тилидаги даврий матбуот материаллари асосида Туркистон минтақасида кечган ижтимоий-иқтисодий ва маданий жараёнларни илмий таҳлил қилган. Ёш изланувчи М.Орзиевнинг бир қатор илмий мақола ва тезислари[9] “Бухорои Шариф” ва “Турон” газеталарининг манбавий аҳамиятига йўналтирилганлиги ҳам эътиборга лойиқдир.

Хулоса ўрнида таъкидлаш ўринли бўлардики, Ўзбекистон матбуоти тарихига оид тадқиқотлар бугунги кунда озлиги сезилади. Тарихчи олимлар олдида бу масалада тарихий тадқиқотлар яратишда долзарб вазифалар туради.

1. Туркистон минтақасидаги мураккаб ва зиддиятларга тўла XIX аср охири-XX аср дастлабки йиллари тарихини ўрганишда даврий матбуот роли етарли ёзилмаган.

2. Матбуотчилик ва нашриёт ишлари фаолият уйғунлигини акс эттирадиган асарларга эҳтиёж катта.

3. Матбуот органлари фаолиятини акс эттирадиган каталоглар яратишни ҳам талаб даражасида эмас.

Фойдаланилган адабиётлар рўйхати

1. Зиё Саид. Ўзбек вақтли матбуоти тарихига материаллар (1870-1927). – Тошкент-Самарканд: Ўздавнашр, 1927. -180 б. (Қайта нашри: Зиё Саид.

- Танланган асарлар. -Т.: Ғафур Ғулом номидаги Адабиёт ва санъат нашриёти, 1974).
2. Иноятлов С. Роль партийно-советской печати Узбекистана в осуществлении коллективизации сельского хозяйства (1929-1934 гг.): Автореф. дисс. ... канд. ист. наук. - Ташкент, 1969; Ўша муаллиф. Роль печати в интернациональном воспитании трудящихся. - Ташкент: Фан, 1986; Эрназаров Т., Акбаров А. История печати Туркестана. - Ташкент: Ўқитувчи, 1976.
 3. Эрназаров Т., Акбаров А. История печати Туркестана. - Ташкент: Ўқитувчи, 1976.
 4. Мухаммеджанова В. Периодическая печать 20-30-х годов о раскрепощении женщины Узбекистана: Автореф. дисс. ... канд. ист. наук. - Самарканд, 1994.
 5. Абдуазизова Н. Ўзбекистон журналистикаси тарихи (1870-2000) - Тошкент: Академия, 1999; Ўша муаллиф. Миллий журналистика тарихи (Генезис ва эволюция). Биринчи жилд. -Тошкент: Шарқ, 2008.
 6. Дўстқораев Б. Ўзбекистон журналистикаси тарихи. (1870-1917 йил ноябрь). Дарслик. - Тошкент: Ғафур Ғулом номидаги нашриёт-матбаа ижодий уйи, 2009.
 7. ¹ Мингноров А. Вопросы национально-освободительного движения в национальной периодике (февраль 1917-середина 1918 г.): Автореф. дисс. ... канд. ист. наук. - Тошкент, 2001; Ўша муаллиф. Туркистонда 1917-1918 йиллардаги миллий сиёсий ташкилотлар (Миллий матбуот материаллари асосида). - Тошкент: Маънавият, 2002.
 8. Шадманова С. Вопросы социально-экономического и культурного положения Туркестана на страницах периодической печати (1870-1917 гг.) Автореф. дисс. ... докт. ист. наук. - Ташкент, 2011; Шодмонова С. Туркистон тарихи-матбуот кўзгусида (1870-1917 йиллар). -Т.: Yangi nashr, 2011.
 9. Орзиев М. XX аср бошларида Бухорода хорижда чоп этилган матбуот тарғиботи // “Тарихий хотира – маънавият асоси” мавзусидаги илмий-назарий анжумани материаллари. -Бухоро, 2010. -Б. 87-88.; Ўша муаллиф. “Бухорои шариф” ва “Турон” газеталари – тадқиқотчилар нигоҳида // “XIX аср охири – XX аср бошларида Бухоро” мавзусида республика илмий-назарий анжумани материаллари. -Бухоро, 2010. -Б. 22-24.; Ўша муаллиф. XX аср бошларида Бухоро амирлигидаги иқтисодий аҳвол хусусида (“Бухорои шариф” газетаси материаллари асосида) // “Тарихий хотира – маънавият асоси” мавзусидаги илмий-назарий анжумани материаллари. -Бухоро, 2011. -Б. 52-54.

I. ШЎБА

“ТАРИХШУНОСЛИК-МАНБАШУНОСЛИКНИНГ НАЗАРИЙ- УСЛУБИЙ УСУЛЛАРИ”

1. Аванесова Н.А., Каспаров А.Р. – “Историография культуры Заманбаба: генезис, хронологическая атрибуция”.....5
2. Абриев С.Б. – “Тарихиунослик ва манбашуносликда Темур ва Темурийлар тарихининг ўрганилиши.”.....10
3. Германов В. - “Сплав военной ориентальной историографии и источниковедения в Туркестане и Узбекистане”.....12
4. Давлатов Н. – “Миръот ил-мамолик» асари ва унда Наврўз Аҳмадхон сиёсий фаолиятининг ёритилиши”.....16
5. Мухамедов Ш.Б.- “Некоторые вопросы мусульманского землепользования в Туркестане и их изучение краевой администрацией Российской империи. (На основе материалов ЦГА РУз).”.....20.
6. Мавлянов М. – “Раннесредневековый согдийский календарь: источники изучения и особенности”.....24
7. Рахмонов К. – “Ўзбекистон матбуоти тарихининг тарихиунослиги: ечим ва муаммолар”.....28
8. Равшанов Ш.Т. – “Ўзбекистон этнологияси тарихиунослиги ва тадқиқот масалалари”.....31
9. Тўрақулов Б.Т. – “Тарихий танқиднинг шаклланишида немис тарихиунослигининг ўрни”.....34
10. Ҳолиқулов Р.Ш., Бодиров А.Ж –“XX асрнинг 20-30 йилларида Самарқандда халқ таълими ва шаҳарда миллий мактабларнинг ташкил этилиши”.....38
11. Шаякубов Ш. Ш. – “Афросиёб ёзувларининг талқинига доир янгича қарашлар”.....41
12. Якубов А.С. – “XX аср 20- 30 йилларида Олий ва Ўрта махсус таълим: шаклланиши ва тараққиёт муаммолари”.....46
13. Ғойибов Б.С. – “Сугд тарихини ўрганишида бақтрий манбаларнинг аҳамияти”.....51
14. Ҳайитов Ш.А. Саидова Р.И. – “Совет даври адабиётларида ўзбек муҳожирлиги тарихининг талқини”.....55